

Bibël për fëmijët paraqet



Davidi, Mbreti (Pjesa 2)



Shkruar nga: Edward Hughes
Ilustruar nga: Lazarus; Alastair Paterson
Adaptuar nga: Ruth Klassen
Përkthyer nga: Arianit & Valbona Iljazi
Prodhuar nga: Bible for Children
www.M1914.org


BFC
PO Box 3
Winnipeg, MB R3C 2G1
Canada

©2021 Bible for Children, Inc.

E drejta e kopjimit: Mund të bëni kopje ose ta shtypni këtë histori,
nëse nuk do ta shitni.

1

Davidi ishte mbreti i
Judës, në Izraelin
e jugut. Por pjesa
tjetër e Izraelit,
mori dhe bëri mbret
Ishboshethin,
birin e Saulit.
Pati luftë
civile për
shtatë vjet.
Por Davidi u
bë gjithnjë
dhe më i
fuqishëm.



2

Më në fund Ishboshethi u vra nga dy prej ushtarëve të tij.




3

Atëherë të gjitha fiset e Izraelit erdhën tek Davidi për ta vajosur atë mbret përmbi Izraelin. Më së fundmi, Davidi ishte mbret përmbi gjithë kombin.




4

Gjëja e parë që Davidi bëri ishte pushtimi i Jerusalemit. U bë i njohur si Qyteti i Davidit. Ai e ndërtoi atë si një fortesë kundër armiqve. Nga Jerusalemi, ushtria e Davidit shkoi për të fituar mbi Filistenjtë dhe armiqtë e tjerë të Izraelit.



5

Pas kësaj, Mbreti David solli Arkën e Perëndisë në Jerusalem. Arka e Perëndisë mbante kopjet e dhjetë urdhërimeve dhe ligje të tjera të dhëna Moisiut nga Perëndia. Arka u kujtonte Izraelitëve shenjtërinë e Perëndisë dhe nevojën për t'iu bindur Atij.



6

Davidit i duhej të luftonte shumë beteja në vitet e para të mbretërimit të tij. Ai ishte një luftëtar i zgjuar dhe një njeri i përgjigjshëm, i cili lutej për drejtimin e Perëndisë.




7

Davidin e shqetësonte fakti që ai kishte një shtëpi të bukur për të jetuar, ndërkohë që arka e Perëndisë qëndronte në një tendë. Davidi vendosi të ndërtojë një tempull. Nathani, profeti i Perëndisë, i tha atij të fillonte punën.




8



Atë natë, Perëndia i dërgoi një mesazh Davidit: "Shërbëtori im David, Perëndia do të të japë ty një shtëpi. Kur ditët e tua të plotësohen dhe ti të pushosh me etërit e tu, unë do të bëj që biri yt të vendoset mbret pas teje. Ai do të ndërtojë një shtëpi për Emrin Tim, dhe unë do ta bëj të qëndrueshëm fronin e mbretërisë së tij, përjetë." 9

Davidi donte të ndihmonte të gjithë të mbijetuarit nga familja e Saulit. Ai gjeti vetëm birin e Jonathanit, Mefiboshethin, i cili ishte i çalë. "Ai do të hajë në tryezën time si një nga bijtë e mbretit", tha Davidi.



Për aq kohë sa Davidi i besoi Perëndisë dhe iu bind Atij, Perëndia e ndihmoi Davidin të përparojë. Por një ditë një hije e tmerrshme ra përmbi jetën e Davidit. Ai dërgoi ushtrinë e tij të luftojë, ndërsa ai vetë qëndroi në Jerusalem.


11



Një natë, atë nuk e zinte gjumi. Kështu ai eci në taracën e shtëpisë së tij dhe vështronte përmbi qytetin.

12

Davidi pa një grua të bukur ndërsa lahej. Emri i saj ishte Bathsheba. Davidi mëkatoi me Bathshebën, megjithëse ai e dinte që ajo ishte gruaja e Urias, një nga ushtarët më trimë të Davidit. Kur më vonë, Bathsheba i tregoi Davidit se do lindte fëmijën e tij, Davidi e kuptoi se mëkati i tij po shkaktonte më shumë probleme.



13



Në vend të rrëfehej Perëndisë, Davidi u përpoq ta fshehë mëkatin e tij. Por kjo gjë nuk funksionon kurrë! Ai thirri Uriahun nga fushëbeteja, duke shpresuar që ai të mendonte se bebushi që do lindte ishte i tiji. Por Uriahu nuk donte të jetonte në shtëpi ndërsa bashkëlufetarët e tij ishin ende në luftë. Uriahu fjeti tek dera e shtëpisë së Perëndisë.

14

Davidi, bëri një gjë edhe më të ligë. Ai e dërgoi Uriahun mbrasht në fushëbetejë me një letër. Letra urdhëronte gjeneralin që ta bënte të sigurtë vdekjen e Uriahut në betejë. Kur Uriah u vra, Davidi mori Bathshebën për tu bërë bashkshortja e tij.



15

Perëndia dërgoi shërbëtorin e Tij, Nathanin, për ti treguar Davidit mëkatin e tij. Nathani tregoi një histori rreth një njeriu të pasur dhe një njeriu shumë të varfër. Njeriu i pasur kishte qindra dele. Por njeriu i varfër kishte vetëm një qengj të vogël, të cilin e donte sikur ta kishte vajzë.



16

Kur një udhëtar erdhi tek njeriu i pasur, njeriu i pasur nuk theri një nga delet e tij për mikun. Përkundrazi, ai mori dhe theri qengjin e vogël të njeriut të varfër.




17

Davidi u zemërua me egoizmin e njeriut të pasur. Ai bërtiti, "Njeriu që ka bërë këtë duhet të vdesë me siguri".



18

"Ti je ai njeri!" i tha Nathani trim, Davidit. Çfarë Davidi kishte bërë ishte shumë më keq se ajo që njeriu i pasur bëri në atë histori.



19

Perëndia ia bëri të qartë Davidit se sa i lig ishte treguar. Dhe Davidit i erdhi keq për mëkatin e tij. Ai i tha Perëndisë: "Kundër Teje kam mëkatuar dhe bërë këtë të keqe". Dhe Perëndia e fali mëkatin e Davidit. Por bebushi i Bathshebës u sëmur rëndë, dhe pak kohë pas lindjes vdiq.



20

Perëndia e fali Davidin për mëkatin e tij të tmerrshëm. Atëherë Bathsheba pati një fëmijë tjetër, Salomonin, i cili do të bëhej një mbret i madh pas Davidit. Por Davdi pati edhe shumë fëmijë të tjerë, disa prej të cilëve i sollën dhembje të madhe në jetë.



21

Davidi, Mbreti (Pjesa 2)

Një tregim nga Fjala e Perëndisë, Bibla

e marrë nga

2 Samuelit 1-12

"Zbulimi i fjalëve të tua ndriçon dhe u jep mendje njerëzve të thjeshtë."
Psalmet 119:130

22

Fund

21



60

23

Ky tregim nga Bibla na tregon për Perëndinë tonë të mrekullueshëm i cili na krijoi dhe dëshiron që ne ta njohim Atë.

Perëndia e di që ne kemi bërë gjëra të këqija, të cilat Ai i quan mëkate. Dënimi për mëkatin është vdekja, por Perëndia ju do juve aq shumë sa që dërgoi Birin e Tij të vetëm, Jezusin, që të vdesë në Kryq dhe të dënohet për mëkatet tuaja. Pastaj Jezusi u ringjall dhe u ngrit lart në Qiell! Nëse beson në Jezusin dhe i kërkon Atij të t'i falë mëkatet e tua, Ai do ta bëj atë! Ai do të vijë dhe do të jetojë në ty, dhe ti do të jetosh me Të përgjithmonë.

Nëse ti beson se kjo është e vërteta, drejtoju Perëndisë kështu: Jezus i dashur, unë besoj se Ti je Perëndia i bërë njeri për të vdekur për mëkatet e mia, dhe që Ti u ngjalle sërish. Të lutem, eja në jetën time dhe fali mëkatet e mia, në mënyrë që unë të kem jetë të re dhe një ditë të jem me Ty, përgjithmonë. Më ndihmo, të të bindem dhe jetoj për Ty, si fëmija Yt. Amen.

Lexo Biblën dhe bisedo me Perëndinë çdo ditë! Gjoni 3:16

24